

為鍾城府使○日暈兩珥午時太白見於巳地夜巽方東方北方如火氣月微暈

丙申 上親臨慶會樓習儀○禮曹判書洪暹啓曰已亥華察之時陪臣行酒連進二盃其後太監等亦仍之但鄭敬時用中盃禮令太監不許中盃之言當理何必爭辨強請乎傳曰此據理之言陪臣行酒當連進二盃飲終盃

丁酉問禮官金貴榮啓曰臣到劔水驛上使出坐東軒臣入告留勅無前例之意上使曰前例如此則依前為之但勅使既受帝命而來當南向以授何以西向云平答曰為 皇上位牌已

設於北勅使不可背立故自前如此矣天使仍改其辭曰稱有制時當南向而奉勅授 國王時當向北退步至國王跪前

西向以授為當故其儀註此條已抄錄小紙當持去依行云

戊戌 上親傳先農祭香祝○以庚辰辛巳年時宗冊頒赦前

例下于政院曰以此遣史官收議于三公領府事其議曰今此受勅後頒赦當依辛巳年例○領議政沈連源辭職不見○午